



Broj: 01/04-14-1897-7/19  
Sarajevo, 15.04.2018. godine

Na osnovu člana 69. stav (3) i člana 70. stav (1) i (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14) i člana 38. stav (1) Statuta Grada Sarajeva ("Službene novine Kantona Sarajevo", broj: 34/08 - Prečišćeni tekst) gradonačelnik Grada Sarajeva, donosi:

***ODLUKU***  
***o poništenju postupka javne nabavke***

***I***

Poništava se postupak javne nabavke "Održavanje službenih prostorija Grada Sarajeva" iz razloga jer Ugovorni organ nije u mogućnosti da izabere najpovoljnijeg ponuđača obzirom da su dva ponuđača dostavila iste najniže cijene.

***II***

Ova odluka stupa na snagu danom donošenja.

***Obrazloženje:***

Odlukom, broj: 01/04-14-1897-2/19 od 18.03.2019. godine, pokrenut je postupak javne nabavke "Održavanje službenih prostorija Grada Sarajeva", putem Konkurentskog zahtjeva. Obavještenje o nabavci objavljeno je na portalu Agencije za javne nabavke: 1278-7-2-107-3-45/19 od 21.03.2019. godine i Poziv za dostavljanje ponuda upućen je na adrese 3 (tri) ponuđača.

Ugovorni organ je izvršio izmjenu Tenderske dokumentacije, dana 21.03.2019. godine iz razloga jer je u Tenderskoj dokumentaciji pod tačkom 2.6. bilo navedeno da će biti e aukcija a da u Obavještenju o nabavci nije bila navedena e aukcija. Iz tih razloga ugovorni organ je izvršio izmjenu Tenderske dokumentacije i izbrisao tačku 2.6.

Komisija za javnu nabavku imenovana Rješenjem gradonačelnika, broj: 01/04-14-1897-3/19 od 18.03.2019. godine, utvrdila je da u određenom roku za dostavljanje ponuda na protokol ugovornog organa zaprimljeno je 5 (pet) ponudai to:

Oki upravitelj d.o.o., Sarajevostan d.o.o., Jobing d.o.o., Hake d.o.o. i Galbols d.o.o.

Nakon izvršene detaljne analize pristiglih ponuda, Komisija za javnu nabavku utvrdila je da su sve pristigle ponude ponuđača, dostavljene u skladu sa tenderskom dokumentacijom.

Komisija je utvrdila cijene prispjelih ponuda **bez PDV-a i to:**



1. *Sarajevostan d.o.o.* .....64,00 KM
2. *Jobing d.o.o.*..... 64,00 KM
3. *Hake d.o.o.* .....108,00 KM
4. *Okri upravitelj d.o.o.*.....112,00 KM
5. *Galbols d.o.o.*.....12.200,00KM

Prema kriteriju – **najniža cijena tehnički zadovoljavajuće ponude**, dva ponuđača su dostavila istu najnižu cijenu. Na osnovu naprijed navedenog i kriterija najniža cijena ugovorni organ nije u mogućnosti da ocijeni koja ponuda je najpovoljnija.

S tim u vezi a postupajući u skladu sa članom 69. (Prestanak postupka javne nabavke), stav (3) Zakona o javnim nabavkama (“Službeni glasnik BiH” broj 39/14), kojim je propisano sljedeće:

Ugovorni organ može otkazati postupak javne nabavke samo zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabvake,

Komisija za javnu nabavku daje preporuku gradonačelniku da se postupak javne nabavke poništi iz razloga što ugovorni organ nije u mogućnosti da izabere najpovoljnijeg ponuđača prema kriteriju najniža cijena jer su dva ponuđača dostavili istu najnižu cijenu ponude.

Shodno naprijed navedenom gradonačelnik Grada Sarajeva donosi ovu Odluku.

***POUKA O PRAVNOM LIJEKU:***

Protiv ove Odluke može se izjaviti žalba putem ugovornog organa u roku od 5 (pet) dana od dana prijema Odluke.

**Gradonačelnik Grada Sarajeva**

**mr. Abdulah Skaka**

***Dostaviti:***

- Ponuđačima
- a/a